

Na osnovu člana 90. Zakona o javnim nabavkama BiH („Službeni glasnik BiH“ broj 39/14.), a u skladu sa Odlukom dekana Građevinskog fakulteta Univerziteta u Sarajevu o direktnom sporazumu: „Usluge popravaka i održavanja instalacija u zgradama“ broj: 04-1-8-21-5/21 od 25.05.2021.god.,

**Građevinski fakultet Univerziteta u Sarajevu**, Patriotske lige broj 30, (ID broj: 4200287770000) kojeg zastupa prof. dr Samir Dolarević, dipl. ing. građ, dekan (u daljem tekstu: **Naručilac usluga**)

**KJKP Vodovod i kanalizacija doo Sarajevo**, Jaroslava Černija br. 8, (ID broj: 4200151950004) kojeg zastupa v.d. direktor Aida Pendek, dipl. ing. građ. (u daljem tekstu: **Izvršilac usluga**)

Zaključuju

## UGOVOR

### o pružanju Usluga popravaka i održavanja instalacija u zgradama

#### Član 1.

Predmet ovog Ugovora je nabavka popravaka i održavanja instalacija u zgradama, a zaključuje se nakon provedenog postupka direktnog sporazuma broj 04-1-8-21. Ponuda Izvršioca usluga broj 2632/21 od 06.05.2021. godine, evidentirana kod ugovornog organa pod brojem 04-1-8-21-3/21 od 24.05.2021. godine je sastavni dio ovog ugovora.

#### Član 2.

Usluge iz člana 1. ovog Ugovora obuhvataju sljedeće:

- Ručno čišćenje materijala iz kanalizacionih šahtova
- Čišćenje i pročepljavanje kanalizacije specijalnom mašinom

#### Član 3.

Ukupna cijena za predmetne usluge iznosi 1.227,58 bez PDV (jednahiljadvjestotinedvadesetisedam i 58/100 KM), odnosno 1.436,27 KM sa PDV (jednahiljadačetiristotinetridesetišest i 27/100 KM) sa PDV-om i utvrđena je na bazi ponudbene specifikacije.

#### Član 4.

Ugovorne strane saglasne su da će se plaćanja izvršiti nakon izvršene usluge, a prema potpisanom nalogu od strane ovlaštene osobe Građevinskog fakulteta, ispostavljanjem fakture od strane Izvršioca usluge.

Plaćanje će se izvršiti najkasnije u roku od 30 (trideset) dana od datuma ispostave fakture za uredno obavljenu uslugu. Plaćanje se vrši putem JR Trezor Kantona Sarajevo na žiro račun Izvršioca usluge.

#### Član 5.

Izvršilac se obavezuje da će usluge navedene u članu 2. ovog Ugovora obavljati savjesno, stručno i kvalitetno u skladu sa zahtjevima Naručioca usluga, odredbama ovog Ugovora, te zakonskim propisima i pravilima struke.

U slučaju neadekvatnog obavljanja ugovorenih usluga od strane osoblja Izvršioca usluga, Naručilac usluga ima pravo zatražiti drugu osobu na tim poslovima, a Izvršilac usluge se obavezuje tom zahtjevu odmah udovoljiti.

#### Član 6.

Izvršilac usluge započinje s pružanjem ugovorenih usluga odmah po potpisu ovog Ugovora. Izvršilac usluge se obavezuje obavljati ugovorene usluge u dogovorenim terminima.

**Član 7.**

Izvršilac usluga je obavezan za svaku izvršenu uslugu voditi dokumentaciju, radni nalog i/ili zapisnik, koji po izvršenju usluge mora biti obostrano potpisan.

**Član 8.**

Ugovorne strane mogu sporazumno raskinuti ovaj ugovor, a svaka ugovorna strana može jednostrano otkazati ovaj ugovor uz otkazni rok od 30 dana od dana primitka otkaza.

Otkaz se daje u pisanom obliku i predaje se drugoj ugovornoj strani neposredno uz potpis ili poštom preporučeno.

U slučaju jednostranog raskida, Izvršilac usluga ima pravo naplatiti obavljene usluge pregleda do dana isteka otkaznog roka.

**Član 9.**

Ugovorne strane su saglasne da će eventualne sporove u pogledu primjene odredaba ovog Ugovora riješiti sporazumno, a ukoliko to ne bude moguće, nadležan je Općinski sud u Sarajevu.

**Član 10.**

Ovaj ugovor je sačinjen u četiri (4) istovjetna primjeraka, od kojih svaka ugovorna strana zadržava po dva (2) primjerka ugovora.

**Član 11.**

Ugovorne strane svojim potpisom potvrđuju daje u odredbama ovog ugovora sadržana njihova stvarna volja, te u znak prihvatanja prava i obaveza koja iz ugovora proizlaze isti potpisuju.


Na sve što nije regulisano ovim Ugovorom primjenjuje se Zakon o obligacionim odnosima.

NARUČILAC USLUGA

Građevinski fakultet Univerziteta u Sarajevu

DEKAN

Prof.dr.Samir Dolarević, dipl.ing.građ.



Broj: 06-1-8-21-6/21

Sarajevo, 26.05.2021

IZVRŠILAC USLUGA

KJKP-Vodovod i kanalizacija doo Sarajevo

v.d. DIREKTOR

Aida Pendek, dipl.ing.građ.



Broj: 229/21

Sarajevo, 09-06-2021